

Taumata
4-5

Te Reo Matatini -
Te Pānui me te Tuhituhi

He Aratohu hei Tautoko i te Kaipānui Horokukū, hei Whakaako Rautaki Ako, Pānui hoki

Kei roto:

- Mō te kaipānui horokukū
- He rautaki ako
- He rautaki pānui
- He ngohe pānui
- He ngohe tuhituhi



Ngā Ihirangi

3 Te Wāhanga 1: Te Kaipānui Horokukū

Mō te kaipānui horokukū

Mō *Whakamīharo Mai* me *He Māia, He Toa, He Tangata Noa*

5 Te Wāhanga 2: Te Ako ki te Ako

Me Tū Koe hei Kairapu Kupu

Uia he Hoa

Whakamahia tō Roro

Whakaoti te Panga

Panonitia tō Aronga

8 Te Wāhanga 3: He Ngohe Pānui mō *Whakamīharo Mai* (Tau 7-8)

He Mahi Aroā mō 'Ka Whawhai Tonu Mātou mō Ake, Ake, Ake!'

He Rārangi Wā mō 'Te Tino o ngā Tino'

He Mahere Tūāhua mō 'Ngā Mata o te Ariki Tāwhirimātea'

He Ripanga Pārongo mō 'Ngā Pitopito Kōrero Mīharo'

He Hoahoa Tāhū mō 'Poaka Nui - Ka Mate, ka Ora, ka Mate'

14 Te Wāhanga 4: He Ngohe Pānui mō *He Māia, He Toa, He Tangata Noa* (Tau 9-10)

He Mahi Aroā mō 'He Toa Taumata Rau'

He Ripanga Pārongo mō 'Ngā Tino Māui-tikitiki Toa o ēnei Rā'

He Tūtohi Whakataurite mō 'Usain Bolt'

He Mahere Whakarite ā-Whakaahua mō 'Mai i Muriwhenua ki Murihiku'

19 Te Wāhanga 5: Ki te Pae o Angitu

He Mahi Tuhituhi Huritao

He Mahi Māia

He Mahi Whakarite Whāinga

22 Kupu Taka

24 Ngā Tohutoro me ngā Rauemi hei Āwhina

Te Wāhanga 1: Te Kaipānui Horokukū

► Mō te kaipānui horokukū

Ko te 'kaipānui horokukū' he kaipānui e uaua ana ki a ia te aro-pū ki te pānui. Tērā pea he raru ā-hinengaro, he raru whakawhanaunga, he raru whanonga, he raru ako rānei te take i pēnei ai. Me mātua whakatau te kaiako mēnā rā he kaipānui horokukū kei tana akomanga.

Mēnā rā he kaipānui horokukū kei tō akomanga, me mātua whakatau koe he aha rātou i pēnei ai.

He take pea e noho ai ētahi hei kaipānui horokukū, arā, he mea uaua:

- te aroā pānui
- te whai hihiringa, kiritau rānei
- te kōwhiri tuhinga pārekareka
- te aro ki tētahi tuhinga
- te aro-pū, te arotahi rānei
- te ako
- he matea mātauranga motuhake rānei āna.

Me pēhea te tautohu i te kaipānui horokukū e ai ki te tirohanga kaiako:

- He ākonga rānei tāu me āta whakapatipati kia tahuri ai ia ki ngā momo mahi pānui katoa?
- He ākonga rānei tāu ka 'aro ki wāhi kē' atu i ngā mahi, ka whakawarea rānei e ia ōna hoa, i te wā o te pānui takitahi?
- He ākonga rānei tāu, he uaua ki a ia te whakaoti i ngā mahi aroā pānui?
- He ākonga rānei tāu ka karo atu i ō pātai, ka whakawarea rānei e ia ō korero ki a ia mō āna mahi pānui?

Mēnā he 'āe' te whakautu ki tētahi, ki ētahi rānei o ēnei pātai, he kaipānui horokukū pea kei tō akomanga.

Me pēhea te tautohu i te kaipānui horokukū e ai ki te tirohanga ākonga (he arotake whaiaro mā te ākonga anō):

- E mōhio ana au me pēhea te kōwhiri pukapuka pārekareka ki a au.
- He pai ki a au te pānui.
- Ka taea e au te noho arotahi i a au e pānui ana.
- He māmā ki a au te pānui.

Mēnā he 'kāo' te whakautu a te ākonga ki tētahi, ki ētahi rānei o ēnei pātai, he kaipānui horokukū pea kei tō akomanga.

► **Mō Whakamīharo Mai me He Māia, He Toa, He Tangata Noa**

He mea āta whakarite a *Whakamīharo Mai me He Māia, He Toa, He Tangata Noa* hei whakapoapoa i te kaipānui horokukū i ngā tau 7-10. Ko ngā tino whāinga o ēnei pukapuka:

- he āwhina i te ākongā kia whakawhanakehia ai ana mōhiotanga, ana pūkenga me ana rautaki reo matatini kia tutuki ai i a ia ngā mahi pānui e tika ana e ai ki te marautanga
- he whakatakoto kōrero hei whakahihiri, hei whakaihiihi, hei whakapoapoa hoki i a ia ki te pānui.


Ko tā *Whakamīharo Mai me He Māia, He Toa, He Tangata Noa* he whakamahi i ngā kaupapa, ngā momo kōrero, ngā momo tuinga me ngā whakatakotoranga hei whakapoapoa i ngā kaipānui katoa, horokukū mai, angitu mai, tama mai, kōtiro mai. Ka kapi i ēnei tuinga ngā kaupapa pārekareka, pēnei i ngā toa hākinakina rongonui, ngā meka whakamīharo me ngā taki tuku iho whakaawe. Ko tā ngā pukapuka nei he kōrero taki, he tāngata hoki hei taurā pai mā ngā ākongā kia whakapoapoa ai te kaipānui, ā, he mea whakahihiko hoki ngā pikitia me ngā whakatakotoranga.

He aha ngā hua o *Whakamīharo Mai me He Māia, He Toa, He Tangata Noa* ki te kaipānui horokukū?


- He rongō i te reka o te pānui, he aro-pū hoki ki te pānui
- He mōhiotanga, he pūkenga, he rautaki reo matatini hoki i te taumata e tika ana i te anga o He Ara Ako i te Reo Matatini.

Ka taea a *Whakamīharo Mai me He Māia, He Toa, He Tangata Noa* te whakamahi e te kaiako hei aha?

- Hei ako, hei whai māramatanga hoki ki te kaipānui horokukū
- Hei whakaako i ngā mōhiotanga, ngā pūkenga me ngā rautaki reo matatini e whai tikanga ana ki te kaipānui horokukū
- Hei ako me pēhea te tautoko i te kaipānui horokukū kia pānui ai, kia ako anō ai.



Whakamīharo Mai
Tau 7-8
Taumata 4



He Māia, He Toa, He Tangata Noa
Tau 9-10
Taumata 5

Te Wāhanga 2: Te Ako ki te Ako

Ko tētahi o ngā pūmanawa whai tikanga nui hei whāngai māu ki ō ākonga ko te mōhio ki te 'whakahaere i a ia anō', arā, kia whai kaha te taiohi ki te whakarite whakatau, ki te tū pakari hoki ko tōna kotahi. Ka whai tikanga mārika tēnei i te ākonga e pānui ana. He nui ngā wā e kitea ai ko te māia, ko tōna korenga rānei, e whakawehe nei i te kaipānui horokukū me te kaipānui angitu.

Ko te kohinga tohu-pukapuka rautaki e whai ake nei, mā te ākonga hei whakamahi ki te akomanga. Ka taea e te hunga ākonga (kaipānui horokukū mai, kaipānui angitu mai) ēnei te whakamahi i a rātou e pānui ana hei āwhina i a rātou ki te whakaoti motuhake i ō rātou rapanga pānui. Mā konei e wātea ai te kaiako ki te mahi tonu ki rōpū kē atu, otirā, ka pūmau i te ākonga ngā rautaki e angitu ai ia hei kaipānui takitahi. Me mau tonu i te ākonga ki te tohu-pukapuka ki tana tēpu i a ia e pānui ana, hei tohutohu i ngā rautaki āwhina hei whakamahi māna.

He rautaki puna kupu mō te pānui

Me Tū Koe hei Kairapu Kupu

Ko tētahi mahi uua pea ki te kaipānui horokukū ko te whai māramatanga ki ngā kupu maha me ō rātou tikanga. Ko tētahi ara e ako ai te ākonga ki ngā kupu hou ko te pānui takitahi. Mā konei e aro ai rātou ki ngā tini kupu me ō rātou tikanga. Mā tēnei rautaki 'Kairapu Kupu' e āhei ai te ākonga ki te whakawhanake i ōna pūkenga whakaoti rapanga mehemea ka kitea he kupu tauhou ki a ia.

He rautaki puna kupu mō te pānui

Ki te pānui koe me te kore mārama ki tētahi kupu ...



Me Tū Koe hei Kairapu Kupu

1. Kāti!

2. Whakaarohia ake

3. Uia i a koe anō:

Kua kite kē au i ētahi kupu āhua pēnei?

He aha te tikanga o aua kupu?

Ka taea rānei e au te wetewete i te tikanga o te kupu mā te pānui i te roanga o te rerenga?

Ka taea rānei e au te wetewete i te tikanga o te kupu mā te pānui i te roanga o te kōwae?



He rautaki puna kupu me te aroā mō te pānui

Ki te pānui koe me te kore mārama ki tētahi kupu, ki te tikanga rānei o tētahi mea ...



Uia he Hoa

1. Kāti!

2. Whakaarohia ake

3. Uia he hoa:

Kua kite kē koe i tēnei kupu?
Ki ō whakaaro, he aha tōna tikanga?

He rautaki puna kupu me te aroā mō te pānui

Uia he Hoa

Mēnā he uaua ki te ākongā te whai māramatanga ki tētahi kupu, ki tētahi huatau rānei i tētahi tuhinga, ka whai hua pea te tono ki tētahi hoa i te akomanga hei āwhina i mua i te tono ki te kaiako. Mā tēnei rautaki e tautoko ai te ākongā ki te tono māia atu ki ākongā kē atu hei rautaki ako mahi ngātahi.



He rautaki puna kupu me te aroā mō te pānui

Ki te pānui koe me te kore mārama ki tētahi kupu, ki te tikanga rānei o tētahi mea ...



Whakamahia tō Roro

1. Kāti!

2. Whakaarohia ake

3. Whakamahia tō roro!

Kua mahi pēnei kē au i mua?
Kua whai akoranga kē au ki tēnei kaupapa i mua?

He rautaki puna kupu me te aroā mō te pānui

Whakamahia tō Roro

Ko tētahi o ngā pūmanawa mana nui ki te kaipānui ko tēnei mea te māia. Mā tēnei rautaki e āwhina te ākongā ki te tū māia kia whakatutuki ai i a ia he mahi e hanga uaua ana. Mā konei ka whai pūmanawa ia kia whai māramatanga ai ki ngā huatau uaua, ka kore hoki e tuohu noa, engari kē, ka whakaoti rapanga.



He rautaki aroā mō te pānui

Ki te pānui koe me te kore mārama
ki tētahi kupu, ki te tikanga o
tētahi mea ...



Whakaoti te Panga

1. Kāti!

2. Whakaarohia ake

3. Whakaoti te panga!

Ki ōku whakaaro, he aha te
tikanga o tēnei?

Ka taea rānei te panoni i te
whakatakotoranga o tēnei
rerenga, te whakapoto rānei?

Ka taea rānei e au tēnei rerenga
te whakamāori ki āku ake kupu?

He pātai rānei āku mō tēnei
rerenga?

He rautaki aroā mō te pānui

Whakaoti te Panga

Arā pea he wā he uaua ki te ākonga te
whai māramatanga ki tētahi tuinga, nā te
matatini, nā te rangirua rānei ki a ia o tētahi
whakatakotoranga rerenga kōrero. Ko te nui pea
o ngā kupu tauhou i te rerenga te take i pēnei ai
(nā reira me whakamahi pea te rautaki 'Kairapu
Kupu'), ko te hanga pūhui, matatini rānei o te
rerenga kē pea te take. Ko tā tēnei rautaki he
whakaako i te ākonga ki te whakaoti i te rerenga
mā te whai whakaaro ki te take he uaua, he
rangirua rānei ki a ia, kātahi ka ngana ki te whai
māramatanga.



He rautaki whakapoapoa mō te pānui

Ki te pānui koe me te warea haere
ki take kē atu ...



Panonitia tō Aronga

1. Kāti!

2. Whakaarohia ake

3. Uia i a koe anō:

E aro ana aku karu ki te
pukapuka?

E aro-pū tonu ana au?

E whakahōhā ana au i tētahi atu?

Me whai āwhina au kia noho
arotahi tonu ai?

He rautaki whakapoapoa mō te pānui

Panonitia tō Aronga

He māmā noa tā te hunga kaipānui horokukū
te noho aro-kore, te noho hihiringa-kore hoki
i te akomanga. He ngāwari noa kia warea rātou
ki take kē atu, otirā, kia whakawarea e rātou
he ākonga kē atu. E whai tikanga ana kia ako te
kaipānui horokukū me pēhea te whakahaere i a
ia anō kia ū tonu ki ngā mahi, kia arotahi hoki,
kia angitu ai tana pānui me tana takahi haere
i te ara whai mātauranga.

Te Wāhanga 3: He Ngohe Pānui mō *Whakamīharo Mai* (Tau 7–8)

Tapanga	Ngā āhuatanga o te tuhinga	Whakarāpopotonga	Ngā rautaki pānui
He Mahi Aroā mō 'Ka Whawhai Tonu Mātou mō Ake, Ake, Ake!'	Te Pūtake o te Tuhinga: He whakamārama, he whakaahua Te Momo Tuhinga: He taki whānui Te Anga o te Tuhinga: He whakaahua, he raupapa	He taki whānui mō te Pakanga o Ōrākau.	Ngā mōhioatanga o mua Te matapae Te aroā Te arotake Te pānui ripiripi Te pānui kapokapo Te hīkaro Te aroturuki
He Rārangi Wā mō 'Te Tino o ngā Tino'	Te Pūtake o te Tuhinga: He whakaahua Te Momo Tuhinga: He whakaahua whaiaro Te Anga o te Tuhinga: He whakaahua, he raupapa	He mea whakaahua ki tēnei tuhinga te kaimekemeke toa, a Muhammad Ali. Ka whai wāhi te kaipānui ki ētahi o ngā tūāhua mana nui i ngā rā o Ali e tohu mārika ana i ōna pūkenga whakamīharo, otirā e whakaatu ana he aha i tū ai ia hei tuahangata mekemeke motuhake. Ka whakatakotoria ngā kōrero mōna ki tētahi rārangi wā nō tōna whānautanga mai, tae noa mai ki tēnei rā.	Te ariā matua Te pānui ripiripi Te pānui kapokapo Te whakarāpopoto Te hīkaro Te arotake
He Mahere Tūāhua mō 'Ngā Mata o te Ariki Tāwhirimātea'	Te Pūtake o te Tuhinga: He whakamārama, he whakaahua Te Momo Tuhinga: He tuhinga taki Te Anga o te Tuhinga: He whakaahua	He tuhinga tēnei mō Matariki kāore e mōhio whānuitia ana. Ka tākina te pūrākau mō tēnei kāhui whetū e ai ki te tirohanga a Tāwhirimātea. He mea tautoko hoki tēnei tuhinga taki tuku iho e ngā meka pūtaiao o roto.	Te ariā matua Te pānui ripiripi Te pānui kapokapo Te whakarāpopoto Te arotake
He Ripanga Pārongo mō 'Ngā Pitopito Kōrero Mīharo'	Te Pūtake o te Tuhinga: He whakaahua Te Momo Tuhinga: He whakaahua whānui Te Anga o te Tuhinga: He whakaahua, he whakataurite	Ki te hā pērā i tō te <i>Guinness World Records</i> , ka whakapoapoatia, ka whakaihiihitia anō te kaipānui ki ngā meka 20, he whakamīharo, he pārekareka hoki. He tuhinga tēnei e āheitia ana te mahi whakataurite.	Te pānui ripiripi Te pānui kapokapo Te whakarāpopoto Te kōtuitui
He Hoahoa Tāhū mō 'Poaka Nui – Ka Mate, ka Ora, ka Mate'	Te Pūtake o te Tuhinga: He whakamārama, he whakaahua Te Momo Tuhinga: He taki whaiaro Te Anga o te Tuhinga: He raupapa	He taki whaiaro hātakēhi mō tētahi haerenga whakangau poaka kīhai i eke ki ngā matapae.	Te ariā matua Te pānui ripiripi Te pānui kapokapo Te whakarāpopoto

► He Mahi Aroā mō 'Ka Whawhai Tonu Mātou mō Ake, Ake, Ake!'

Ngā mōhiotanga o mua:	I mua i tō pānui i tēnei	1.
	pukapuka, tuhia mai kia toru	
	ngā mea e mōhio nei koe, kia	2.
	toru āu pātai rānei, mō Ngā	
	Pakanga o Aotearoa.	3.

Te matapae:	Ko 'Ka Whawhai Tonu Mātou	1.
	mō Ake, Ake, Ake!' te tapanga	
	o tēnei tuhinga.	
	1. He aha pea ka hua ake?	2.
	2. Kī ō whakaaro, mō wai te	
	tuhinga nei?	
	3. Ka aha pea ngā tangata i te	3.
	tuhinga?	
	4. Mēnā ka whakauru koe ki te	
	pakanga, ka pēhea koe?	4.

Te aroā:	1. Ko hea te wāhi i tū ai tēnei	1.
	pakanga?	
	2. Ko wai i pakanga?	2.
	3. Tokohia ngā tāngata i	
	pakanga kī ia taha?	3.
	4. I ahatia?	
	5. He aha rātou i pakanga ai?	4.
		5.

Te arotake:	1. He pēhea te pānga o tēnei	1.
	tuhinga ki a koe?	
	2. He aha te karere matua a te	
	kaituhi, kī ō whakaaro?	
	3. He pēhea ō whakaaro ki	2.
	ngā tūāhua i hua ake?	
		3.

► He Rārangi Wā mō 'Te Tino o ngā Tino'


Whakaotia te rārangi wā e whai ake nei mō te oranga o Muhammad Ali.

Te rā i tū ai he tūāhua whai tikanga:	I aha ia?	He aha ngā akoranga mōna ki a tātou i tēnei tūāhua?

Tuhia mai he kōwae e whakarāpopoto ana i ngā kōrero i tēnei ripanga mō Muhammad Ali me ana pānga ki te porihanga whānui:

► He Mahere Tūāhua mō 'Ngā Mata o te Ariki Tāwhirimātea'

Pānuihia te pūrākau 'Ngā Mata o te Ariki Tāwhirimātea', ka whakakī haere ai i te Mahere Tūāhua e whai iho nei.



Tuhia mai he kōwae e whakamārama ana he aha i whai tikanga ai tēnei pūrākau whakamārama ki a tātou i ēnei rā:


► He Ripanga Pārongo mō ‘Ngā Pitopito Kōrero Mīharo’

Pānuihia te tuhinga ‘Ngā Pitopito Kōrero Mīharo’. Kōwhiria kia 10 ngā meka whakamīharo rawa. Whakarārangitia ngā meka mai i tēra he ‘whakamīharo marika’, ki tēra ‘he mīharo noa nei’, ka whakaoti i te ripanga.

	I ahatia?	Ko wai i whai wāhi atu?	He aha i whakamīharo ai?
1			
2			
3			
4			
5			
6			
7			
8			
9			
10			

► He Hoahoa Tāhū mō 'Poaka Nui - Ka Mate, ka Ora, ka Mate'

Pānuihia te tuhinga 'Poaka Nui - Ka Mate, ka Ora, ka Mate', ka whakautu ai i ngā pātai whai muri i tō aro ki te hoahoa tāhū mō te tuhinga.



He whakaahua i te pewa o te tuhinga taki:

Ka ahatia i te whakapuakitanga o tēnei tuhinga?

Ka ahatia i te pikinga o tēnei tuhinga?

Ka ahatia i te ekenga o tēnei tuhinga?

Ka ahatia i te hekenga o tēnei tuhinga?

Ka ahatia i te whakataunga o tēnei tuhinga?

Te Wāhanga 4: He Ngohe Pānui mō He Māia, He Toa, He Tangata Noa (Tau 9–10)

Tapanga

Ngā āhuatanga o te tuhinga

Whakarāpopotonga

Ngā rautaki pānui

[He Mahi Aroā mō 'He Toa Taumata Rau'](#)

Te Pūtake o te Tuhinga:
He whakamārama,
he whakaahua

Te Momo Tuhinga:
He taki whānui

Te Anga o te Tuhinga:
He raupapa

Mā tēnei tuhinga e whai wāhi ai te kaipānui ki ngā rā o Te Rauparaha, mai i tōna whānautanga mai, tae noa atu ki tōna matenga. Ka whakaahuatia ētahi o ana mahi hautipua, ana haerenga, me ana wero nui mārika.

Ngā mōhiotanga o mua
Te matapae
Te aroturuki
Te tautohu
Te whakarāpopoto
Te hīkaro
Te kōtuitui

[He Ripanga Pārongo mō 'Ngā Tino Māui-tikitiki Toa o ēnei Rā'](#)

Te Pūtake o te Tuhinga:
He whakamōhio,
he whakangahau

Te Momo Tuhinga:
He whakaahua whaiaro

Te Anga o te Tuhinga:
He whakaahua

He mea whakaahua tēnei tuhinga i ngā manawa kai tūtae 10 mā ngā haurongo-poto. Ka whakamāramatia, ka whakaihiihitia, ka whakapoapoatia te kaipānui ki ētahi meka poto, pārekareka hoki, mō ēnei tāngata 10 nō ngā tini tōpito o te ao.

Te pānui ripiripi
Te pānui kapokapo
Te whakarāpopoto
Te arotake
Te hīkaro
Te kōtuitui

[He Tūtohi Whakataurite mō 'Usain Bolt'](#)

Te Pūtake o te Tuhinga:
He whakaahua

Te Momo Tuhinga:
He whakaahua whaiaro

Te Anga o te Tuhinga:
He whakaahua, he whakataurite

He tuhinga tēnei mō te tangata tere rawa atu i te ao, mō Usain Bolt. He nui ngā āhuatanga hei whakapoapoa i te kaipānui. Ka whakaahuatia tōna timatanga me ōna āhuatanga whaiaro, ā, ka taki i āna mahi whakamīharo hei oho i te mauri o te kaipānui. Ko tā te tuhinga nei he whakataurite i a ia ki ētahi kaiomaoma kē atu o mua, o nāiane anō, ki te tīta anō hoki, otirā ka whakaaturia me pēhea te oma kia tere mārika.

Te pānui ripiripi
Te pānui kapokapo
Te whakarāpopoto
Te hīkaro
Te arotake
Te kōtuitui

[He Mahere Whakarite ā-Whakaahua mō 'Mai i Muriwhenua ki Murihiku'](#)

Te Pūtake o te Tuhinga:
He whakaahua

Te Momo Tuhinga:
He whakaahua whaiaro

Te Anga o te Tuhinga:
He whakaahua

Ko tā tēnei tuhinga he whakaahua i te haerenga a Jory Akuhata, he haerenga waewae kirikau i te nuinga o te wā, mai i te pito whakateraki rawa o Te Ika-a-Māui, tae atu ki te pito whakatetonga rawa o Te Waipounamu. Ka whai māramatanga te kaipānui ki te whāinga i whakaritea e Jory mōna anō, te ara i takahia kia ea ai taua whāinga, ngā wero i tutuki i a ia, me ngā akoranga i riro i a ia i tōna haerenga.

Te ariā matua
Te pānui ripiripi
Te pānui kapokapo
Te whakarāpopoto
Te hīkaro
Te arotake
Te kōtuitui

► He Mahi Aroā mō 'He Toa Taumata Rau'

<p>Ngā mōhiotanga o mua:</p>	<p>I mua i tō pānui i tēnei pukapuka, tuhia mai ō mōhiotanga katoa ki te haka 'Ka Mate'.</p>	
<p>Te matapae:</p>	<p>Ka kōrerohia te haka 'Ka Mate' i tēnei tuhinga. Ki ō whakaaro, he aha pea te kaupapa o te tuhinga?</p>	
<p>Te aroā:</p>	<p>Ko ēhea ngā kupu ka kōwhiria e koe hei whakaahua i a Te Rauparaha?</p>	
<p>Ki tua o te tuhinga:</p>	<ol style="list-style-type: none"> 1. Ohia manomanotia ngā momo ariā katoa ka kōrerotia i tēnei tuhinga. Hei tauira: whare wānanga, pakanga. 2. Kōwhiria tētahi o ēnei ariā, ka whakarite i tētahi pātai rangahau matua e hiahia nei koe ki te tūhura. 3. Whakaritea kia toru ngā pātai rangahau aro-whānui.¹ 4. Whakaotia tō mahi rangahau. <p>1. Ko te pātai aro-whānui he momo pātai, ko tōna whakautu me roa ake i te kupu kotahi. Hei tauira, He aha tētahi o ngā pānga o tēnei pakanga ki te iwi o te rohe? Ki ō whakaaro, he aha i whakatau ai te iwi kia pēnei ai?</p>	<p>He ariā i roto o 'He Toa Taumata Rau':</p> <hr/> <p>Taku kaupapa rangahau:</p> <hr/> <p>Aku pātai:</p> <ol style="list-style-type: none"> 1. <hr/> 2. <hr/> 3.

► **He Ripanga Pārongo mō ‘Ngā Tino Māui-tikitiki Toa o ēnei Rā’**

Pānuihia te tuhinga ‘Ngā Tino Māui-tikitiki Toa o ēnei Rā’. Whakarārangitia ngā mahi mai i tērā he ‘whakamīharo mārika’, ki tērā ‘he mīharo noa nei’, ka whakaoti i te ripanga.


	I ahatia?	Ko wai i whai wāhi atu?	Inahea, ā, ki hea oti ai?	He aha i whakamīharo ai taua mahi manawa kai tūtāe?
1				
2				
3				
4				
5				
6				
7				
8				
9				
10				

► He Tūtohi Whakataurite mō 'Usain Bolt'

Whakakīia te tūtohi whakataurite e whai nei hei whakaatu i ngā āhuatanga o ngā rōpū rerekē i te tuhinga mō Usain Bolt.

- Tuhia ngā kupu/kōrero hei whakaahua i a Usain Bolt anake ki te porowhita mōna anake.
- Tuhia ngā kupu/kōrero hei whakaahua i ngā kararehe anake ki te porowhita mō ngā kararehe anake.
- Tuhia ngā kupu/kōrero hei whakaahua i ngā kaiomaoma o mua anake ki te porowhita mō rātou anake.
- Tuhia ngā kupu/kōrero hei whakaahua i ngā rōpū e rua, e toru katoa rānei, ki te wāhanga o te porowhita e inakitia ana.

Ka taea rānei e koe te kōwhiri i tētahi rōpū, i tētahi tangata, i tētahi kararehe kē atu rānei kāore e kitea ana i te tuhinga, pēnei i tētahi toa hākinakina rongonui, hei whakataurite ki a Usain Bolt. Me tahuri pea koe ki te rangahau kia oti ai i a koe tēnei ngohe.



Tuhia mai he kōwae e whakarāpopoto ana i ngā kōrero i tēnei tūtohi mō Usain Bolt:

► He Mahere Whakarite ā-Whakaahua mō 'Mai i Muriwhenua ki Murihiku'

Pānuihia te tuhinga 'Mai i Muriwhenua ki Murihiku' ka whakaoti i te mahere whakarite ā-whakaahua e whai nei mō te haerenga roa a Jory.

Te whāinga o Jory:

He kupu hei whakaahua
i te tuakiri o Jory:

Ētahi o ngā wero ki a Jory:

He kupu hei whakaatu i te
āhua o Jory ki te titiro atu:



He akoranga ki a Jory i tana haerenga roa:

He akoranga ki a au i te haerenga roa a Jory:

Te Wāhanga 5: Ki te Pae o Angitu

► He Mahi Tuhituhi Huritao

He pēhea nei ki a koe te tūpono ki tētahi tauārai, te whai rānei i tētahi ara hou hei whakatutuki whāinga?

Katoa ngā kōrero i *Whakamīharo Mai* me *He Māia*, *He Toa*, *He Tangata Noa* he mea whakaahua i ētahi tāngata kua whakatutuki i tētahi āhuatanga whakamīharo, mā te turaki tauārai, mā te hiki mānuka, mā te whai rānei i tētahi ara hou. Kua waia kē koe ki tēnei tūāhua? Whakaarohia ake he wā i tūpono koe ki tētahi tauārai, i hiki rānei i tētahi mānuka, otirā, he āhuatanga uaua, tauhou rānei ki a koe.

I te aha koe?

Whakaahuatia mai tāu i kite ai i tō tūpono atu ki te tauārai/wero:

Whakaahuatia mai tāu i rongu ai i tō tūpono atu ki te tauārai/wero:

Whakaahuatia mai ō kare ā-roto i tō tūpono atu ki te tauārai/wero:

I aha koe i tō tūpono atu ki te tauārai/wero?

I ako koe i te aha mōu anō?

► He Mahi Māia

Katoa ngā kōrero i *Whakamīharo Mai* me *He Māia*, *He Toa*, *He Tangata Noa* he mea whakaahua i te hunga i māia, i toa anō, nō rātou ka whakapau kaha ki te turaki i ngā tauārai kia tutuki ai ō rātou whāinga. Whakaotia ngā ngohe e whai nei kia whai whakaaro ai koe ki ēnei āhuatanga, ki te māia me te toa.

1. Rangahautia tonutia tētahi o ēnei tāngata, ka waihanga mai i tētahi pānui whakaahua mōna, mō ana mahi whakahirahira, mō ngā tauārai i turakina e ia.
2. Hoahoatia mai he mētara, he tohu toa rānei mā tētahi o ēnei hautipua. Me mātua whakarite kia whakanuia ā-ataata nei tana mahi whakamīharo e te āhua o te taonga nei.
3. Tuhia mai he whaikōrero mō tētahi o ēnei hautipua. Mātua whakamāramahia ake ko wai ia, he aha tāna i whakatutuki ai, otirā, he aha ngā tauārai i turakina e ia kia tutuki ai i tana whāinga.
4. Whakakīia he pukapuka rātaka hei te wiki e haere ake nei, ka whakatakoto kōrero mō ngā uauatanga, ki te hua ake ētahi. Whakaarohia ngā rautaki i whāia e koe hei whakaea i te wero, me ētahi rautaki kē atu hei whai pea māu.

Tauira Pukapuka Rātaka:

Te rā o te wiki:

Te rā:

Ngā āhuatanga pai i hua ake:

Ngā āhuatanga uaua i hua ake:

Tāku i mahi ai hei whakaea i te wāhi uaua o taku rā:

He mahi hei whai pea māku hei whakaea i te wāhi uaua o taku rā:

► He Mahi Whakarite Whāinga

Kei ngā kōrero o *Whakamīharo Mai* me *He Māia*, *He Toa*, *He Tangata Noa*, ka whakarite whāinga ngā tāngata o roto mō rātou anō, ka whakapau kaha rātou kia oti ai i a rātou ēnei mahi whakahirahira. Whakamahia te tauira e whai nei kia whakatakoto i tētahi whāinga e tūmanakotia ana e koe. Tērā pea e tūhono ai ki te mahi pānui? Ki te hiki rānei i tētahi mānuka kei mua i tō aroaro i tēnei wā?

Whāinga MĀTĀTAHI²

He aha tāku e whai nei kia tutuki i a au?

M Mārama	He mārama rānei te whāinga?
Ā Ārahi	I kitea he tangata, he puna kōrero rānei hei ārahi i a koe ki te whakatakoto i tō whāinga?
T Taea	Ka taea rānei te whāinga te whakatutuki?
Ā Āhea	Kua tohua rānei te wā me tutuki te whāinga nei?
T Tuhi	Kua tuhia rānei te whāinga?
A Aronga	He aronga kotahi rānei tō te whāinga?
H Hāngai	E hāngai ana te whāinga ki ō uara?
I Ine	Ka taea rānei te whāinga te ine?

2. He mea tango tēnei tauira i te pukapuka *He Ara Rau: Tau 7–13. Te hanga whakatau mō ngā ara kei tua*, wh. 32.

Kupu Taka

A

anga structure

aroā comprehend, comprehension

aro-kore disengaged

aro-pū concentrate, engage, engaged, engagement (self)

arotahi focus

arotake evaluate

aroturuki monitor

ataata visual

ariā matua main idea

aronga matua purpose

E

ekenga climax

H

hā style

haurongo biography

He Ara Ako i te Reo Matatini
Literacy Learning Progressions

hekenga falling action

hihiringa motivation

hīkaro inferring

hoahoa tāhū plot graph

huritao reflect, reflection

I

inaki(-tia) overlap

K

kaipānui horokukū reluctant reader

kauwhata graph

kiripuaki character

kiritau self-esteem

kōtuitui synthesise

kōwae paragraph

M

mahere tūāhua event map

mahere whakarite ā-whakaahua graphic organiser

māia brave, bravery, confidence

manawa kai tūtae daredevil

matapae predicting

matatini complex

matea needs

matea mātauranga motuhake special needs education

mōhiotanga o mua prior knowledge

momo tuhinga text type, genre

NG

ngohe pānui reading activity

ngohe tuhituhi writing activity

O

ohia manomano brainstorm

Kupu Taka

P

panoni(-tia) change

pānui kapokapo scan

pānui ripiripi skim

pānui whakaahua poster

pārekareka engaging (interesting)

pātai aro-whānui open-ended question

pewa arc

pikinga rising action

pūhui compound (as in sentence)

pukapuka rātaka journal

pukamahi worksheet

pūrākau whakamārama origin story

pūtake purpose

R

rārangi wā timeline

raupapa sequence, order

rautaki ako learning strategy

rautaki pānui reading strategy

ripanga table

T

tāhū plot

taki tuku iho historical recount

taki whaiaro personal recount

taki whānui factual recount

tapanga title

tauārai barrier

taumata level

tautohu identify

tauwhāiti specific

tohu-pukapuka bookmark

tohutoro reference

tuhinga text

tuhinga taki narrative

tūhura investigate

tūtohi chart

W

warea distracted

whai tikanga important

whakaahua describe

whakaahua whaiaro personal description

whakaahua whānui general description

whakahihiri motivate

whakaihiihi excite

whakangahau entertain

whakaoti rapanga problem-solve

whakapoapoa engage, engagement (as in to engage someone else)

whakapuakitanga exposition

whakarāpopoto summarise

whakarāpopotonga synopsis

whakatairite compare

whakatakotoranga format

whakataurite contrast

whakataunga resolution

Ngā Tohutoro me ngā Rauemi hei Āwhina

Ontario Ministry of Education. (2004). *Me Read? No Way! A practical guide to improving boys' literacy skills*. Ontario: Queens Printer for Ontario.

Ā-ipurangi: <https://www.edu.gov.on.ca/eng/document/brochure/meread/meread.pdf>

Ontario Ministry of Education. (2009). *Me Read? And How! Ontario teachers report on how to improve boys' literacy skills*. Ontario: Queens Printer for Ontario.

Ā-ipurangi: http://www.edu.gov.on.ca/eng/curriculum/meRead_andHow.pdf

Te Tāhuhu o te Mātauranga. (2011). *He Ara Ako i te Reo Matatini - Te Pānui me te Tuhituhi. He Aratohu mā te Kaiako/Literacy Learning Progressions - Reading and Writing. A Guide for Teachers*. Wellington: Huia.

Te Tāhuhu o te Mātauranga. (2009). *He Ara Rau: Tau 7-13. Te hanga whakatau mō ngā ara kei tua*. Wellington: Haemata Ltd.

Te Tāhuhu o te Mātauranga. (2008). *Te Marautanga o Aotearoa*. Wellington: Te Pou Taki Kōrero.

He Mihi

He mihi tēnei ki a koutou te hunga nāna i āwhina te waihanga i tēnei aratohu pouako.

Ko te kaituhi, ko Talia McNaughton.

Ko te kaiwhakamāori i ngā kōrero, ko Stephanie Fong.

Ko te rōpū uiui o ngā ākonga; ko Mahanga Ake rātou ko Taimarie Ake, ko Whitu Ake, ko Tyler Ferguson.

He rauemi tēnei hei āwhina i ngā pouako, hei tautoko i ngā ākonga hoki kei ngā kura mē ērā atu whakaakoranga reo Māori puta noa i te motu.

Mana tārua i te pikitia kei te wh. 18 © Shutterstock.com 2015

He mea whakaputa tēnei pukapuka mō Te Tāhuhu o te Mātauranga e Huia

39 Tiriti o Pipitea, Pouaka Poutāpeta 12-280

Te Whanganui-a-Tara 6144, Aotearoa

www.huia.co.nz



Mana tārua i tēnei pukapuka © Te Tāhuhu o te Mātauranga 2015

ISBN 978-1-77550-237-1

Kua noho manatā tēnei pukapuka. Atu i ngā take pēnei i ngā akoranga whaiaro, te rangahau, te arotake me te arohaehae mahi e whakaaetia ana i raro i te ture Copyright Act, kore rawa e tukuna kia tāia anō tētahi wāhanga o ngā kōrero nei, ahakoa te huarahi tā. Me mātua tonu whakaae ki te rōpū nāna te pukapuka i tā.